

 <p>LIBERTÉ • ÉGALITÉ • FRATERNITÉ RÉPUBLIQUE FRANÇAISE</p> <p>MINISTÈRE DE LA JUSTICE</p>	<p>12</p> <h1 style="text-align: center;">DEKLARÀCIA VASH O HAKAIJA</h1> <h2 style="text-align: center;">Dino jekhe manuśes astaro evroputno mandateça astarimasqo, manglipnaça provizorone astarimasqo ja ekstradiciaqo manglipnaça/ ija te tradel pes katar i phuv ande savi sasa astaro</h2>
---	---

Tut line p-i ekzekùcia jekhe evroputne astarimasqe mandatesqi, jekhe provizorone astarimasqe manglipnasqi ja jekhe ekstradiciaqe manglipnasqi Akava lil seravel o śerutne hakaja/drèpturi/ćaćimàta so si tut.

O informàcie po tele si te oven dine tuqe pe jekh ćhib kaj halöves.

Śaj te dikāres akava lil sa o vaxt kana dikāren tut andre

Žanaven tut kaj thovde tut k-i retència odolesqe so jekh avrutno Them rodel tut aj dias jekh evroputno astarimasqo mandàti ja jekh ekstradiciaqo manglipe ja jekh provizòro astarimos vaś jekh ekstradicia ja vaś jekh phandlipe so sas tut te keres.

Pinžaripe e infrakciaqo

Si tut hakaj/pràvo/drèpto te žanes i kvalifikàcia, i dāta aj o than e infrakciaqi pala savi sas dino mamuj tuθe o evroputno mandàti e astarimasqo, o manglipe e provizorone astarimasqo ja o manglipe e ekstradiciaqo.

Ažutipe kotar jekh avokāti

Alosaripe e avokatesqo

Kotar o śird e dikārimasqo, śaj te manges te ovel tut ažutipe jekhe avokatesθar saves tu alosares ja jekhestar ćhutino kotar o Them. Kana na pinžares avokates ja kana o avokāti so alosardan naśti te lel pes kontàkti leça, śaj te manges jekh avokāti kotar o them, bi lovenqo.

Jekh kotar o manuśa kasqe phendan kaj inkeren tut phandlo k-o pućhimos śaj te ćhivel tuqe avokàto: atùnći tu trebun te phenes kaj okova si ćaćes to avokāti.

Ažutipe e avokatesqo aj vaxt kana ov avel

O avokāti śaj te del dūma tuça 30 minūte bi te śunel khonik so tūmen phenen;

To angluno pućhlāripe, khrigal kana pućhen tut sadaj pala ti identitèta, naśti te śirdel bi te ovel o avokāti paśe tuθe anglal so te nakhen duj ćasurā kotar o momènti kana phende lesqe kaj tu manglan les te avel.

Kana o avokāti aresel kana tu san e śingalença save pućhlāren tut, śaj te manges te aćhavdöl o pućhlāripe aj te des dūma te avokateça.

Hakaj te na vakeres

Kana inkeren tut k-i retència, sar kames tu, śaj te keres deklaràcie, te des anglal so pućhen tut ja te na vakeres.

Ažutipe kotar jekh rinćhibārno/tolmāci

Te na vakerdān ja te na halövdan francikanes, si tut hakaj/drèpto/pràvo te ažutinel tut bi lovenqo jekh rinćhibārno/tolmāci k-o pućhlārimàta thaj kana des dūma te avokateça.

Vaxt kozom 3al o phandlipe thaj so ovel pal-i procedùra

Ti retència šaj te 3al 3i k-o štar-var-deš thaj oxto čàsură, bi intermediàro lungăripe.

Pal akava vaxt, ka legaren tut anglal o generàlo prokuròri kompetènto p-o teritòri ja savesθe gelo o manglipe aj ov, pala so dikhel ti identitèta, ka informinel tut ande jekh čhib kj halöves, kaj si jekh evroputno mandàti astarimasqo pe to anav aj so si ande lesθe, ja kaj si jekh manglipe provizorone astarimasqo ja ekstradiciaqo vaš tuqe, kaj si tut šajutnipe te les avokàti kas kames, ja te na, te ovel tut jekh avokàti čutino kotar o šerutno e avokatenqo, savo ka ovel 3anavdo sarsave labneça.

Ande akava suro šaj te des duma imediat, jekhal e avokateça, savo direkt šaj te dikhel o dosàri aj te del duma tuça mestes.

Pal-i notifikàcia e evroputne mandatesqo e astarimasqo, e provizorone astarimasqe manglipnasqi ja e ekstradiciaqe manglipnasqi, o generàlo prokuròri te na mukhla tut, atùnçi ka legaren tut k-o prezidènti e dujtone gradaqe krisàqo ja k-o krisărno e parketesqo so ov čhuta akala butăqe, savo šaj:

- ja te del ordonànca te phanden tut 3i kana aresen o formàlo lila vaš i ekstradicia (o vaxt si verver pal-o konvèncie) aj te legaren tut anglal i livni/soba e investigaciaqi savi ka lel decizia pal-o manglimàta e dimasqe so si kerde pal-o evroputno mandàti e astarimasqo ja pal-o mandàti e ekstradiciaqo.
- ja, te dikhla kaj si dōsta garancie kaj tu ka oves prezent k-o sa o àkte e proceduraqe, ka čhivel tut k-i judiciàro kontrōla, ja ka del tut obligàcia te oves k-i adrēsa tiri, dikhlino durăl prdal i elektronika, ja ka mukhel tut bi judiciarone kontrolaça, 3i kana te aresen o formàlo lila e ekstradiciaqe ja ti konvokàcia anglal i livni e investigaciaqi savi si te lel decizia val mukhel tut val na k-o bare raja e Themesqe savo rodel tut.

Šajipe te akceptuis te bičhalen tut

Si tut hakaj/drèpto/čacipe te akceptuis ja te na akceptuis te den tut k-o Them savo rodel tut. I livni e investigaciaqi si te lel decizia maj sig, kana akceptuis. Te akceptuindan te bičhalen tut k-o Them savo rodel tut evroputne astarimasqe mandateça, našti pal odova te paruves i godi aj ti decizia.

Informàcia varesave manušenqe

Šaj te 3anaves e manušen saven manges, aj šeral ti familia, kaj astarde tut thaj inkeren tut k-o phandlipe.

Šaj te 3anaves vi i konsulàta te Themesqi, te san avrutno.

Dikhlàripe k-o doktòri

Šaj te manges te dikhlàrel tut jekh doktòri kana san inkerdo/ Kana san pandlo andre.